













BECHMANN, J. V.  
c





Digitized by the Internet Archive  
in 2018 with funding from  
Wellcome Library

<https://archive.org/details/b30521336>







IO. VOLKM. BECHMANNI,

HÆREDITARII IN Obern-Tröbra,

Æti, S. Rom. Imp. Exempti, Comitum Palatini Cæsaris  
P. P. Cod. Juris Publici, &c. Famigeratissimi, Consilarii Sax. Curiae Pro-  
vincialis, & Scabinatus Assessoris Gravissimi, Spectatissimi,

TRACTATIO JURIDICA,

DE

COITU  
DAMNATO,

Von

Eündlichen Vermischungen;

*Olim Jenæ d. Jun. MDCLXXXIV. habita.*



---

HALÆ SALICÆ,  
EX OFFICINA HENDELIANA, 1733.



TO VOLK. BECHMAN.

1850

THE UNIVERSITY OF CHICAGO

LIBRARY

309954




DAMAD

1850

THE UNIVERSITY OF CHICAGO

LIBRARY



THE UNIVERSITY OF CHICAGO

LIBRARY





## P R Æ L O Q V I V M.

**V**iventium est generare sibi simile. Hinc ipsa natura distinxit sexum, conformavit membra generationi destinata, & maximam homini ad coitum indidit cupiditatem. *v. l. 2. C. de Indict. Viduit. Toll. Nov. 2. C. 3. Nov. 39. C. 2.* Quam tamen, ne ad quasvis impellat permixtiones, rationis imperio subjecit, ut, quoties instinctus isti naturales in actum deducuntur, Legibus fiant conformes, omnes vero coitus contra illud dictamen rectæ rationis facti damnentur. Quorum prohibitionem, pœnas & dispensationem, qua fieri potuit brevitate, loco documenti publici, otii mei literarii, pro ingenii modulo indagaturus, summum Numen, ut omnium bonorum & donorum, *Jacob. 1. vers. 17.* ita in specie donorum animi, suut nt Sapiencia & Scientia, *Eccles. 1. vers. 1.* fontem & originem, a quo omne principium faciendum, *Nov. 59. Proëm.* humillimis veneror precibus, pro scopo, qui Gloria ipsius, proximi salus, felicissime consequendo.



DISSERTATIONIS

De

COITV DAMNATO

PARS PRIOR,

Coitus Damnati cum Evolutione Onomato-  
logiæ, Definitionis Realis & Divisionis Naturam &  
Moralitatem exhibet.

CAPUT I.

*Coitus Damnati Definitionem Nominalem &  
Realem sistit.*

ARGUMENTVM.

*Ante omnia disputaturo, quid res sit, respiciendum asseritur 1. Quod  
ex Definitione apparet 2. Cujus Definitionis subjicitur Divisio 3 & partes  
Definitionis Nominalis 4. Etymologia alia Grammatica 5. alia Logica  
6.) quæ explicatur ratione vocabuli Coitus 7. cujus annectitur Synonymia.  
8. & Homonymia, 9. cum explicatione 10. & seqq. Unde derivetur voca-  
bulum Damnatus 14. quid involvat 15. quodnam ejus Synonymum, expo-  
nitur 16. cum seqq. & evoluta Homonymia 18. & seqq. definitur 23. quæ  
Definitio examinatur 24. & 25.*

POSITIO I.

**N**on sine ratione Imp. noster monet in l. 13. §. 3. ff. de Reb.  
Dub. Animadvertendum esse, quid sit, de quo quæri-  
tur, cum alias facile minutæ quædam inde oriundæ re-  
rum tractandarum rumpant pondera. Quid autem res sit,  
nullo aptiori medio potest explanari, quam Definitione, ad  
quam ceu Lydium Lapidem cuncta probantur, & pro separa-  
ta natura Vocabuli & Rei ipsius una Nominis, altera Rei con-  
stituitur.

II. Definitionem ergo seu Descriptionem Nominalem  
quod attinet, absolvitur illa Etymologia, Synonymia & Ho-  
monymia. III. Ety-



III. Etymologia alia est Grammatica, alia vero Logica. 5  
Ratione Etymologiæ Grammaticæ Coitus est nomen Verba- 6  
le a Verbo *coire* descendens, quod ex Præpositione *Cum* & Ver-  
bo *Eo* compositum: Ratione vero Etymologiæ Logicæ Coi-  
tus a *coeundo*, h. e. *miscendo* seu *immiscendo* vel *permiscendo*, ut dicitur  
in *Nov. 2. c. 3. circa medium*, descendere non ambigitur; eo, quod  
ii, qui coeunt, cupidius in amplexus ruant, & spiritu vivifico  
turgidum semen in ipsum ventrem immittant. 7

IV. Ex quibus facile colligi possunt ejus Synonyma, scil. 8  
*Commixtio, Immixtio, Permixtio Congressus &c.* ein fleischlich Zusam-  
menhalten, Erkenntniß. Cum autem vocabulum Coitus, quem- 9  
admodum & plurima alia, negotiorum humanorum conditio-  
ne & multitudine, nec non vocabulorum paucitate ita feren-  
te *l. 4. ff. de Præscr. Verb.* quodammodo sit ambiguum ad evolu-  
tionem ejus Homonymiæ properandum.

V. Quæ Homonymia pariter ex præcedenti pos. simul 10  
elucescit, scil. quod vocabulum Coitus hic in sensu speciali, 11  
non pro nudo conventu quodam, vel personali seu corpora-  
li vel mentali, sed pro Coitu carnali accipiatur, quem homo 12  
ex facultate animæ sensitivæ suscipit. *Arist. de Generat. Animal.*  
*L. 2. Cap. 1.* Quamvis bruta animalia a sola natura regnantur, & 13  
ex necessitate agant, libero agendi arbitrio destituta, *Thom.*  
*L. 2. Q. 13. Art. 2.* In homine autem appetitus sensitivus ratio-  
nis obtemperet imperio, ab eoque gubernetur.

VI. Alterius vocabuli Inscriptionis quod attinet Ety 14  
mologiam, Damnatus dicitur quasi *diminutus*, a *demendo* seu *mi-*  
*nuendo*. Nimirum quod omnis Justitia Coitui Dam nato sit 15  
adempta. Et cum damnandi verbum Obligationem quandam  
involvat pro nostra substrata materia, idem est, accoeuntem  
reum & obnoxium poenæ seu rei alicujus præstandæ facere.

VII. Et sic quod Synonymiam vocabuli Dam nati atti- 16  
net, convenit quodammodo cum *Proscripto*; cum pariter di-  
cantur damnati, *arg. tit. C. de Bonis Proscript. sive. Damn.* a scriben-  
di ceremonia, quam Ulpianus explicat in *l. 11. §. 3. ff. de Inst. A&.*  
Hinc, ut cunque proscripti illi, damnati nondum fuerint, quia 17



tamen in ea causa erant, ut & condemnationi & executioni, si copia eorum haberi posset, essent subjiciendi, bona eorum, statim, pariter ut jam condemnatorum, occupat fiscus. Ratione depromta a majori: cujus enim persona & corpus Magistratui obnoxium est, ejus longe fortiori ratione & bona. *arg. tit. C. Ne fidej. dot. dent.*

18 VIII. Ratione Homonymiæ, quanquam ipsa sui natura  
19 verbum *Damnatus* judiciale videatur, latius tamen sumtum, &  
in reliquis civilibus Obligationibus usurpatum reperio: Cum  
20 & Romanis Legata Damnationis frequentata sint, quibus heredes suos ad aliquid tandum vel faciendum obstringebant,  
21 cujus formula exhibetur §. 21. *Inst. de Leg. Add. Dd. ad eund. & §.*  
22 *2. d. t.* Sic notæ quoque sunt *Leges Damnatae*, nec non, quod sæpius damnatum pro eo, quod prohibitum & interdictum est, accipitur, inter omnes constat, in quo sensu etiam a nobis nunc accipitur.

23 IX. Hinc etiam, ut totam rem in compendium redigam, brevissime *Coitum Damnatum* definitio, per concubitum Legibus prohibitum. Ita enim, cum communiter cœeuntes  
24 concumbant, diei solet. Ergo quo distinguatur a matrimonio, addenda erant verba: *Legibus prohibitus*. scil Naturalibus, Gentium & Civilibus, ut sic omnes illicitas conjunctiones sub Definitione comprehenderem.

## CAPUT II.

### *Coitus Damnati Divisiones ostendit.*

#### ARGUMENTVM.

*Transitur ad Coitus Damnati divisiones i. prius autem ejus indagatur fundamentum, quod luxuriam dicimus 2. cujus species recensentur 3. quorum aliquæ adhuc videntur controversæ, 4. ex subjectis Instantiis 5. ad quas respondetur 6. & hinc dividuntur tam ratione personarum qualitatis 7. quam aliarum circumstantiarum: 8. In Coitus Damnatos (1) prostitutionis publicæ 9. ut Fornicatio 10. quæ definitur 11. & separatur a Stupro 12. cujus occasione Coitus Damnatus (2) dicitur corruptionis 14. & ratione Stupri est vel voluntarius 16. vel violentus 18. ratione necessitudinis vero incestuosus*



*cestuosus* 19. & 20. *vel ex Jure Gent. vel ex Jure Civ.* 21. *ratione Fidei Con-*  
*jugal*is *Adulterium* audit 22. *quod subdividitur in simplex*, 23. & *duplica-*  
*tum* 24. & *tandem ratione Voti violati Sacrilegium* dicitur 25. & *pariter*  
*dividitur in duplicatum* 26. & *simplex* 27. *ex qualitate delinquentium* (3)  
*est cohabitationis illicitæ, quæ fit per Concubinatum* 28. & *denique* (4) *ex*  
*mera Libidine* procedit per *Sodomiam* 29. *quæ varie dividitur.* 30. *Ratio-*  
*ne circumstantiarum* est *vel Vinculi duplicis, ut in Polygamia* 31. *vel vio-*  
*lentiæ de loco ad locum deductionis* 32.

X.

**A**Ntequam autem has prohibitiones plenius discutiamus, I  
*Coitus Damnati Divisio* prius erit indaganda. Cum enim 2  
 pro fundamento & fine habeat *Luxuriam*, omnes quoque  
 ejus *Species* huc pertinent, cujusmodi *Thom. Quæst. 154. Art. 1.* 3  
*ex Gratiano sex recenset*: *Fornicationem, Adulterium, Incestum,*  
*Stuprum, Raptum & vitium contra naturam*, quibus & addunt 4  
*Sacrilegium*, inter quas quidem, aliqui, *Adulterium, Ince-*  
*stum, Raptum, Stuprum & Sacrilegium* non esse proprie *Spe-*  
*cies Luxuriæ*, sed solum *moralis & vulgata ratione loquendi,*  
*cum deformitas, quam addit circumstantia illa personæ vel*  
*loci Luxuriam* contrahens, non sit contra *castitatem*, sed con-  
 tra *aliam virtutem*: *In Adulterio, Raptu & Stupro contra Justitiam:*  
*In Sacrilegio contra Religionem: In Incestu contra Pietatem,* quæ 5  
*Parentibus & Sanguine junctis debitam reverentiam defert:*  
 Sed cum *Luxuria* magis sit *formalis* in hisce *Delictis* & per mo- 6  
 dum finis se habeat, *Justitia* vero magis *materialiter* & per ac-  
 cidens concurrat, cum *Adulterium* vix committatur, ut fiat  
*Injuria*, sed ob *voluptatem carnalem*, committantur etiam  
 hæc *Delicta* in *materia Luxuriæ*, & per actum ejus; potius di-  
 cuntur *Species Luxuriæ*, quam *Injustitiæ*, magis in iisdem e-  
 lucente *Luxuria*, *Less. de J. & J. Lib. 4. Dub. 6.*

XI. Dividitur proinde *Coitus Damnatus* vel *ratione* 7  
*Personarum seu delinquentium qualitatis, vel propter cir-* 8  
*cumstantias extrinsecus personam afficientes, quamvis hac*  
*ratione ob varias qualitates nomen generis sc. Damnati Coitus*  
*quandoque mutetur: Hahn. Dissert. Select. 14. pos. 8. 9. 10. & 11.*

XII. Ra-



9 XII. Ratione Personarum qualitatis Coitus Damnatus  
 10 vel (1) *Prostitutionis Publicæ* dicitur, ut Fornicatio in specie sic  
 11 dicta, quæ est Concubitus cum meretrice pluribus se prosti-  
 12 tuente commissus, Dn. Struv. *J. R. G. F. Lib. 3. Tit. 28. §. 14.* adeo-  
 13 que differt a Stupro pariter in sensu specialiori accepto pro  
 fornicatione seu defloratione Virginis vel Viduæ honestæ, §.  
 4. *Inst. de Publ. Jud.* ibique Dn. Stryk. *Add. l. 6. §. 1. & l. 34. ff. ad l. Jul.*  
 14 *de Adult. l. 101. ff. de V. S. l. 3. ff. de Concub. c. lex. illa c. 36. Quæst. 1.* Qua  
 ratione Coitus Damnatus (2) *Corruptionis* seu *Violationis* dicitur.

15 XIII. Et sic iterum quadruplex est: (α) Dum committi-  
 16 tur cum Fœmina honesta, de qua specie modo dictum, & est  
 ipsum *Stuprum*. Quod tamen iterum dividitur in *Voluntarium*,  
 quod consentiente vel parum reluctante Virgine vel Vidua  
 17 committitur. arg. d. §. 4. *Inst. de Publ. Jud.* cum semper ubi Ele-  
 18 ctio adhuc locum habet, ratio inviti non habeatur, *Arist. L. 2.*  
*Eth. C. 7. & Violentum*, quod citra voluntatem patientis, usque  
 ad ultimum Actus punctum & exclamationibus & reliquis  
 corporis viribus resistentis, per vim aliisque illicitis artibus  
 committitur, forte magicis, aut incusso metu, qui etiam in  
 constantissimum virum cadere potest: ut ex celebri illo  
 exemplo Lucretiæ, quam Romanæ pudicitæ Duce[m] vocat  
*Valer. Max. Lib. 6. cap. 1.* apparet.

19 XIV. Ratione Corruptionis seu Violationis Coitus Da-  
 20 mnatus (β) *Necessitudinis* dicitur, alias nomine *Incestus* effertur,  
 seu Stupri in personas sanguine & affinitate junctas commissi,  
 quæ ex prohibitione Juris Matrimonium contrahere neque-  
 unt, conf. Dd. *ad Auth. Incestus. & Auth. Ex complexu. & t. t. C. de*  
 21 *Incest. Nupt.* Adeoque subdividitur in eum, qui fit inter Ascen-  
 dentes & Descendentes, & eum, qui ratione Consanguinitatis  
 vel Affinitatis committitur, conf. Dn. Stryk. in *Annot. ad Tit. Inst.*  
*de Nupt. Rubr. de Comp. Grad. in Consanguinitate cum seqq.*

22 XV. Ad quod Divisionis principalis membrum quoque  
 spectat Coitus Damnatus (γ) *Fidei Conjugal*is seu ipsum *Adulte-*  
*rium*, cum dicatur thori alieni violatio, per d. §. 4. *Inst. de Publ.*  
*Jud. l. 6. §. 1. ff. ad l. Jul. de Adult. C. 2. c. 36. Qu. 1. C. Mechaberis c. 32.*



*Q. 5. & l. 220. ff. de V. S.* Quod pariter subdividitur, nempe in 23  
Adulterium *simplex*, quo unius saltem thorus violatur, & *du-* 24  
*plicatum*, in quo uterque & proprium & alienum thorum pol-  
luit, Dn. Struv. *d. l. §. 16.* Berlich. *Tom. 4. Concl. 27. n. 6.*

XVI. Denique Coitus Damnatus Corruptionis seu Vio- 25  
lationis contingit quoque (δ) *Violatione Voti per Sacrilegium*,  
quatenus persona, quæ Deo castitatem vovit, ritibusque Sa-  
cris est initiata seu publice consecrata; per fornicationem  
violatur. Illudque ad similitudinem adulterii dividunt in 26  
*duplicatum*, si Monachus coeat cum Moniali, Dn. Ziegler ad  
Lancellot. *Lib. 2. Tit. 8. §. 6.* & *sacrilegium simplex*, ubi utrobique 27  
unum tantum castitatis Votum violatur, sive Masculus, Deo  
consecratus concumbat cum Laica, sive persona non Sacra  
consentiat in Actum venereum Monialis, Hahn. *d. l. pos. 71.*

XVII. (3) Coitus Damnatus ex qualitate Delinquenti- 28  
um proveniens est *Cohabitationis Illicitæ per Concubinatum*, dum  
solutus cum soluta citra Maritalem Affectionem fornicatio-  
nis causa concumbit.

XVIII. Et (4) Denique ex *mera Libidine* procedit, qui 29  
*Sodomia* vocatur, seu fornicatio contra naturam Generis vel  
Sexus, vel juxta hujus naturam, at præpostero ordine com-  
missa; Hinc subdividitur in Sodomiam, quæ fit per Concubi 30  
tum (α) Hominis cum bruto vel mortuo. (β) Maris cum Ma-  
re. (γ) Fœminæ cum Fœmina per *Const. Crim. Art. 116. 161.* So  
ein Mensch mit einem Vieh, Mann mit Mann, Weib mit  
Weib, &c. cum quævis agitatio Veneris nec scopum nec mo-  
dum naturalis Veneris servans sapiat Sodomiam, Boër. *De-*  
*cif. 116. n. 10.*

XIX. Ratione *Circumstantiarum* Coitus Damnatus est *Vin-* 31  
*culi duplicis vel violentæ de loco ad locum deductionis.* Ille contingit 32  
inter personas, quarum alterutra conjugata sub figura Matri-  
monii: Hic vero in fornicatione cum persona honesta vi ab-  
ducta consistit, arg. *l. un. C. de Rapt. Virg.*



## Coitus Damnati Naturam & Moralitatem seu Prohibitionem inquiri.

### A R G V M E N T V M.

*Quilibet homo cum natura appetit vitam socialem 1. ut capax sit no-  
tionum vite sociali inservientium necessario requiri probatur 2. & 3. Jam  
autem Genus humanum per vagos Concubitus propagari non congruere vi-  
te sociali probatur tam rationibus 4. & 5. quam auctoritate Ciceronis 6.  
hinc in sexto precepto omnem concubitum prater Matrimonium prohiberi  
probatur 7. quod ulterius deducitur in specie ratione fornicationis 8. Stu-  
pri 9. Concubinatus 10. qui aliquibus quidem dicitur Matrimonium natu-  
rale 11. in veteri Ecclesia fuit toleratus 12. Jure Civ. permissus 13. male ta-  
men ab Ulpiano praefertur Matrimonio 14. & hinc laudatur Sententia Leo-  
nis 15. atque ex virtute Legis affirmativae Concubinatus malitia demonstra-  
tur 17. quod Conjugium tantum imperetur a Jure Naturae, a quo differre  
Concubinatum ratione finis principalis 18. & ratione intentionis probatur  
19. atque differentia Matrimonii ad Morganaticam demonstratur 20. licet  
ab Hebraeis Concubinatus fuerit nominatum. 21. Quibus omnibus Incestus  
gravior reputatur, 22. quem etiam bruta averfantur, 23. licet aliqui con-  
trarium probare contendant instantia gallorum gallinaceorum, 24. & bar-  
barorum, 25. cum obftet pudor naturalis, 26. & 27. quod probatur auctori-  
tate Legum 28. & Grotii 29. Fratrum tamen & Sororum Connubia non pro-  
hibuisse Naturam, probatur ex prima hominum Creatione, 30. Subjicitur  
ratio, cur Princeps alios gradus adhuc prohibuerit Consanguinitatis 31. ut  
in Saxonia & aliis Ditionibus, 32. quod eodem modo se quoque habere in  
Affinitate probatur 33. cum Limitatione generali. 34. Transitur Adulteri-  
um, quod aequè J. N. contraria probatur, 35. quod contineat Furtum, 36.  
Sacrilegium, 37. & aliquando Homicidium, 38. hinc taxatur Alexander III.  
39. & laudatur Clemens Papa 40. quod etiam ad Sponsam alienam exten-  
ditur, 41. cum Consensus faciat Nuptias 42. Copula Carnalis nihil super-  
addat 43. nec aliqua solennia Jure Naturae & Gentium requirantur. 44.  
Polygamia convenientiam cum J. N. alias negare ex variis rationibus; 45.  
alios probare praepimis ex Sacrae Scripturae dictis asseritur 46. reservata  
nostra sententia usque ad discursum 47. denique Sodomiam maxime I. N.  
contrariam probatur 48.*

POSIT.



❁ ( II ) ❁  
P O S I T I O I.

**C**UM omnis homo naturaliter appetat vitam socialem ejus-  
que culturam, necessario etiam capax requiritur notio-  
num societati colendæ inservientium: quippe cum sine illis  
boni istius appetibilis particeps fieri non possit. Sunt autem  
Notiones istæ ipsa Principia generalia, rationi nostræ, quæ in  
homine non sublata fuit, licet qualitas ejus immutata, natura-  
liter insita, quæ in omni Discursu præmittenda, ut quasi quod-  
dam fundamentum argumentationi sint, ac normam consti-  
tuant, cui res congruat. Adeo, ut, qui se ignorare dicit ista  
principia prima, & consequenter ipsam rectitudinis normam,  
simul sibi ratiocinandi denegare facultatem, imo ipsam Con-  
scientiam s. operationem habitus principiorum practicorum,  
quæ hunc Discursum mentis concomitatur, necesse habeat.

II. Jam autem naturam humanæ Societatis penitus ri-  
manti non obscure patet, haud quicquam congruere, genus  
utut fortasse uterque concumbentium, aut alteruter inten-  
tionem habeat eo actu prolem excitandi. Sine Matrimoniis  
namque nullæ Cognitiones sat distinctæ, nullæ quoque fami-  
liæ possent existere, adeoque nec Civitates intelligerentur,  
nec Patrimonia, sed homines agerent vitam segregem, & pau-  
lo minus, quam belluinam. Quod ipsum Ciceronem tan-  
quam Ethnicum jam suo tempore cognovisse, apparet ex Ejus  
*Lib. 2. de Leg. ubi eleganter ita dicit: Nec si regnante Tarquinio nulla  
erat Romæ scripta Lex, de Stupris idcirco non contra Legem illam sempiter-  
nam Sextus Tarquinius vim Lucretiæ Tricipitimi Filiae attulit. Erat e-  
nim ratio profecta a rerum natura, & ad recte faciendum impellens, & a  
Delicto advocans, quæ non tum denique incipit Lex esse, cum scripta est, sed  
tum, cum orta est, orta autem est simul cum mente Divina. Quamobrem  
Lex vera atque Princeps apta ad jubendum & vetandum ratio est recta  
summi Iovis.*

III. Hinc merito & necessario in sexto isto præcepto  
Compendii Juris Naturæ omnis coitus extra Matrimonium  
prohibitus intelligitur: Cum enim variæ sint ejus Species, ut  
in Capite præcedente ostensum, aliæ aliis graviores, ex una



Specie crassissima, eaque maxime humanæ Societati adversa & in proximum contumeliosa, (Adulterii scilicet,) reliquas omnes, quæ sub uno Genere, (Lasciviæ nempe, ut supradictum,) continentur, notari, ex eo necessario colligitur, quod, cum Lex Decalogi sit indefinita & perfecta, peccata omnia prohibens & virtutes omnes commendans, sub aliqua Legis parte contineri oporteat, quæcunque ad illius peccati, Luxuriæ naturam faciunt. Nulla vero alia est præter hanc prohibitionem, ad quam revocari possunt Scuratio, Immundities, Adulterium, Lascivia &c. quas ita enumerat Apostolus ad *Gal. 5. vers. 19. Add. 1 Corinth. 6. Eph. 5.*

8 IV. Et insuper, cum solam conjunctionem, quæ fit per Matrimonium, honestam homini & decentem ratio cuilibet dictitet, nullas personarum aut alias circumstantias respicit Jus Naturæ. Cum enim appetitus ille venereus sit a natura & omnibus animalibus naturalis, non potest etiam is ut in cæteris animalibus non esse finitus, & per consequens *Meretrices*, deterrima illa libidinum mancipia, Jus Naturæ non possunt non oppugnare, dum certis limitibus a Natura circumscriptum Concubitus in infinitum extendunt.

9 V. Non minorem, imo majorem potius turpitudinem *stuprationem* comprehendere, vel exinde apparet, quod non tantum, pariter ut fornicantes, utantur Concubitu isto ad libidinem, cum tamen omnia bruta procreationem ex sua natura intendunt, cum eo maxime tempore, quod alendo partui est aptissimum, junguntur, sed etiam ex nova turpitudinis specie illicita ejusmodi defloratione, pietatem & reverentiam Parentibus debitam graviter saucient, gravissimam Parentibus, qui una cum Liberis censentur esse caro, imo toti fere familiæ adspergentes maculam.

10 VI. Quibus merito quoque adjungitur *Concubinatus*.  
 11 Quamvis enim plures Dd. eundem pro matrimonio naturali  
 12 agnoscant, vid. *Grot. de I. B. & P. Lib. 1. Cap. 2. §. 6.* in veteri Ecclesia, quamvis rigida disciplina esset, Concubinatus toleratus, nec censuris Canonicis subjectus. Quo refert Dn. Hildebr.



debr. *Tract. de Nupt. Vet. Christ.* verba Concilii Toletani *Can. 7.*  
*Qui non habet Uxorem, pro Uxore Concubinam habet, a communione non*  
*repellatur, tamen ut unius Mulieris aut Uxoris aut Concubine, ut ei pla-*  
*cuerit, sit conjunctione contentus, vid. tamen Grot. d. l. L. 2. C. 5. §. 15.*  
 & Jure Civili permissus, per *t. t. ff. d. Concub. & l. un. C. cod. falsum* 13  
 tamen est, quod Ulpian. *l. 1. §. 1. ff. d. t. honestius esse Patrono* 14  
 libertam habere Concubinam, quam uxorem, & longe meli 15  
 us respondet Leo *Nov. 91.* Concubinatum contra honestatem  
 esse introductum, cum non omne, quod licet, honestum sit,  
*l. 42. ff. de R. N. nec honestum aliquid sit Lege, sed natura, Arist.*  
*Libr. 1. de Mor. Cap. 1.*

VII. Recurrimus proinde ad nostra principia, & post 16  
 quam demonstravimus, quod Matrimonium maxime con-  
 veniat cum natura vitæ socialis, & dictetur a recta ratione seu  
 Jure Naturæ, ut alios Coitus, sic etiam concubinatum omni-  
 no damnamus, cum ipsa ratio statim dictitet, quod præcepta  
 affirmantia vel præcipientia semper involvant prohibitio-  
 nem. Quam in rem egregia est Sententia Theodosii & Va-  
 lent. Impp. in *l. 5. C. de L. L.* ubi apposite loquuntur: Ad omnes 17  
 Legum interpretationes, tam veteres quam novellas, trahi  
 generaliter imperamus, ut Legislatori, quod fieri non vult,  
 tantum prohibuisse sufficiat, cætera, quasi expressa ex Legis  
 licet colligere voluntate. Quibus consonum est illud Pauli  
 in *l. 189. de V. S.* Facere oportere & hanc Significationem ha-  
 bet, ut abstineat quis ab eo facto, quod contra conventionem  
 fieret & curaret, ne fiat, & in *l. 121. de R. I.* Qui non facit, quod  
 facere debet, videtur facere adversus ea, quia non facit: & qui  
 facit, quod facere non debet, non videtur facere id, quod fa-  
 cere jussus est.

VIII. Jam autem a Conjugio nimis quantum differt Con- 18  
 cubinatus; tam respectu *finis* ejus *principalis*, sobolis sc. procre-  
 ationis, quem omnes pii Parentes intendunt, ut dicitur in *l.*  
*220. §. 3. de V. S.* quam ratione *intentionis*, qui perpetuam vitæ 19  
 consuetudinem respicere deberet, non cohabitationem libi-  
 dinosam, per temporis aliquod intervallum. Hinc eo turpi-



use est in Concubinato coire ex libidine, quo honestius in perpetuum Matrimonia contrahuntur, ut adeo omnis Concubinatus, cui Affectus Maritalis deest, recte Jure Can prohibeatur, *C. audite charissimi dist. 34. C. dicat aliquis. c. 32. Quæst. 4 Hahn. ad Wesenb. Paratit. ff. de Concub. n. 3.*

- 20 IX. Ex quibus quilibet facile intelligit, cum Concubinis hisce non confundendas esse Uxores Morganaticas, quas quidam velut secundarias vocat, cum quibus individuum vitæ consuetudinem coeunt imprimis illustres personæ, vid. Myl. in *Gamolog. Princ. Cap. 16. n. 15. & seqq.* hac statim ab initio ante contractum Matrimonium expressa conditione, ut Uxor pariter ac Liberi inde nati accepto dono nuptiali vel certa bonorum portione a reliqua hæreditate, imo & dignitate paterna excludantur, ne ob felicitatem numerosæ prolis nec bona dividere nec apanagia nimis augere, sed familiæ splendorem salva justitia & utilitate publica conservare queant, Dn. D. Stryk. *Ex. Iur. Feud. Cap. 7. Qu. 3. & seqq.* Quamvis tale Conjugium etiam cum libera Fœmina initum Hebræi Concubinatum vocaverint, testante Grot. *de I. B. & P. Lib. 2. Cap. 7. §. 8. & 9.*

- 22 X. Tanto vero majori ratione Coitus incestuosus, licet per Matrimonium contingat, damnandus quanto dictis omnibus est atrocior, nec immerito ipso Adulterio gravior reputatur, 23 *l. 38. §. 3. ff. ad L. Iul. de Adult.* quem bruta quoque animalia, si Plinio *Lib. 8. Hist. Natur. c. 32.* Arist. *Hist. Animal. Libr 9. Cap. 47.* credimus, averfantur. 24 Nec movent argumenta Diogenis & Chrysippi a gallis gallinaceis & aliis brutis petita, quibus probare contenderunt, commixtiones tales non esse contra Jus 25 Naturæ, nec in universum omnium barbarorum obstare potest observantia in contrarium, quam Grot. *de I. B. & P. L. 2. C. 5. §. 12. n. 3.* ex Euripide allegat:

*Tale est omne barbaricum genus.*

*Mater jungatur Filio, Natæ Pater,*

*Frater Sorori proxime alterna manus*

*Cede implicantur: Nulla Lex prohibet nefas.*

Cum ideo non desinat aliquid esse Juris Naturæ, quod multi contrarium faciant, Arist. *L. 1. Eth. Cap. 10.*



XI. Sufficit, quod cardo quasi omnis decoris ordinis in 26  
 societate humana in hoc vertatur, ut propagatio Sobolis san-  
 ctis Legibus circumscribatur, & hinc Dignitati suæ conser-  
 vandæ studens natura pudorem commenta sit, quem non po-  
 stemam causam dicere posses, quare ipso Juræ Naturæ inter 27  
 Ascendentes & Descendentes in Linea Recta connubia cen-  
 seantur prohibita, præsertim cum nullo unquam Casu exstite-  
 rit nec probabiliter existere possit, ut servando generi huma-  
 no eorum admittendorum necessitas foret. Cui consentit 28  
 Paulus, asserens, in contrahendis Matrimoniis Naturale Jus &  
 pudorem respiciendum, & contra pudorem esse, Filiam suam  
 Uxorem ducere, l. 14. §. 2. ff. de R. N. Et hinc est, quod dicitur  
 Natura, turpe esse & nefandum, cum illa conjungi, ex qua quis  
 prognatus est. l. 14. ff. de R. N. Nov. 12. Cap. 1.

XII. Neque ipse Grotius, dissentire videtur, quando 29  
 L. 1. Cap. 5. § 12. n. 22. ait: *Nam nec Maritus qui superior est, Legē Matri-  
 monii eam Reverentiam potest præstare Matri, quam Natura exigit, nec  
 Patri Filia, quia quanquam inferior est in matrimonio, ipsum tamen Ma-  
 trimonium talem inducit societatem, quæ illius necessitudinis Reverentiam  
 excludit.*

XIII. Fratrum vero Sororumque Connubia Naturam 30  
 haud prorsus ab initio vetuisse exinde patet, quando quidem  
 ipsa quasi voluit Natura, ut ejusdem Conjugii prima fieret hu-  
 manæ societatis propagatio adeo, ut existat plane causa per se  
 & proxima, dum non nisi unus Masculus & Fœmella una in ge-  
 neris humani propagationem ab ipso Naturæ Conditore fue-  
 rint constituti, cum tamen plures creari, perinde, ut in reli-  
 quis animalium speciebus factum, potuissent, nisi minus con-  
 sentaneum Naturæ societatis humanæ visum fuisset summo  
 Creatori.

XIV. Cæterum, cum Principes & Rerum pp. Moderato- 31  
 res custodes sint utriusque Decalogi Tabulæ, ut subditi ab in-  
 cestis nuptiis in gradibus a DEO ipso prohibitis eo studiosius  
 & religiosus abstineant, vallum & sepimentum quasi Divinæ  
 prohibitioni addiderunt. Ut hinc moribus hodiernis obser- 32  
 vata



- vata Computatione Canonica, licet prohibitio eousque non extendatur, in Saxonia, Ducatu Würtembergensi, Schlesvicensi & Anhaltino, nec non Hennebergico Comitatu prohibitum sit Matrimonium usque ad tertium gradum lineæ in-
- 33 æqualis inclusive, Dn. Philipp. *Inst. L. 1. Eclog. 63.* Quousque autem gradus prohibitus in Consanguinitate, eousque etiam prohibitus in Affinitate, cum, quoto gradu quis junctus est alterius Uxori Consanguinitate, toto gradu eidem junctus sit Affinitate. Maritus enim per Matrimonium cum Uxore fit una
- 34 caro, ut sic eodem vinculo Cognatis Uxoris jungatur. Modotamen respectus Parentelæ non concurrat, qui Casus ex majori ratione tam in Consanguinitate, quam Affinitate prohibitus, Carpz. *Iurispr. Consist. L. 2. Def. 77.* Dn. Stryk. *Annot. ad Inst. de Nupt. sub. tit. de Comp. Grad. Consang. & Affin. §. 16. & 20.*
- 35 XV. Inito Matrimonio servandam esse fidem Conjugalem, pariter ex Convenientia illa cum vita sociali & quidem proxime satis apparet. Uti enim Cicero pro Roscio ideo parricidium omnibus aliis criminibus præfert, quia in eo omnia scelera contineri videntur, sic etiam non potest non quilibet intelligere, Adulterio maxime turbari vitam socialem, utpote in quo fere non pauciora continentur. Continet enim
- 36 Adulterium speciem quandam Furti, *1 Cor. 7. Prov. Cap. 6. vers. 30. cum seqq.* nec non Sacrilegii, *1 Cor. 6.* unde Adulteri nominantur Sacrilegi Nuptiarum, *l. quamvis C. de Adul. & clanculum*
- 37 armatur Adulter in eos, quos suis conatibus resistere novit, cum intentione si necessitas efflagitet, ferro se defendendi, vel offensum Maritum aggrediendi, conf. Arnis. *de Connub. Cap. 5. Sect. 8. n. 58* ut hinc licet Adulterium ab Alexandro III. inter
- 39 Crimina minora & leviora referatur, *C. 4. §. 1. de Iud.* rectius tamen cum Clemente quis dixerit: Quid in omnibus peccatis Adulterio est gravius, *C. quid in omnibus. C. 32. Qu. 7.* Add. Carpz. *Prax. Crim. Part. 2. Quest. 51. n. 31. & seqq.*
- 41 XVI. Quod ad Sponsam alienam recte extenditur, per *l. 7. ff. de Publ. Iud. l. 13. §. Divi. & §. si Minor. ff. ad L. Iul. de Adult. Hof. 4. vers. 13.* Cum in Sponsalibus hodie plenus purusque interve-
- niat



niat Consensus, qui solus Nuptias perficere dicitur *l. 30. ff. de 42*  
*R. I. l. 32. §. 13. ff. de Donat. inter Vir. & Ux. l. 15. ff. de Cond. & Demonstr. s. ra-*  
*tione vinculi, & quoad primam suam perfectionem, quamvis*  
*quoad perfectionem secundam s. quoad consummationem*  
*adhuc sint in fieri, potentia autem actui proxima habetur pro 43*  
*actu l. 8, §. 2. ff. de Manumiss. & cingendus reputatur pro cincto,*  
*l. pen. ff. de Testam. Milit.* Accedit, quod copula carnalis con-  
 sensui jam perfecto nihil superaddat, sed tantum id, quod per  
 mutuum Consensum promissum est, exequatur. Cui con-  
 cordat textus Juris Can. *C. cum initiatur c. 27. Q. 2. Non defloratio*  
*Virginitatis facit conjugium, sed pactio Conjugalis: Cum jungitur puella.*  
*Conjugium est, non, cum Viri admixtione agnoscitur: Conjuges appel-*  
*lantur a Desponsationis fide, quamvis ignoretur adhuc inter eos Conjugalis*  
*concubitus, cum seqq.*

XVII. Reliqua vero solennia, quæ circa Nuptias obser- 44  
 vanda, ut sunt: Proclamatio publica ex Suggestu publico, in  
 Ecclesiam introductio & copula Sacerdotalis Matrimonii  
 constitutionem nec de jure Naturæ, nec divino morali ingre-  
 diuntur, cum inter Paganos quoque, Turcas, Judæos, vera  
 Matrimonia sint, quæ ipse Apostolus non dirimenda statuit,  
*1 Cor. 12.* quorum tamen nemo ducens Uxorem ab Ecclesia be-  
 nedictionem petiturus est, sed ab Ecclesia tantum sunt intro-  
 ducta ad evitandum Concubinatum & Matrimonia clandesti-  
 na, & quo omnia majori ordine procedant. Sic etiam Justi-  
 nianus Anno 527. Nuptias omnes contrahi jussit cum Attesta-  
 tione apud defensorem Ecclesiæ, *Nov. 74. Cap. 4. §. 1.*

XVIII. Cum autem in Definitione Matrimonii Viri & 45  
 Mulieris solummodo mentio fiat, an Polygamia simultanea  
 excludatur & quovis Jure prohibita sit, anceps & difficilis vi-  
 detur Quæstio, cum pro affirmativa urgeant aliqui, quod ab  
 initio non institutum, neque in mundum a DEO inductum  
 sit Matrimonium cum multis Uxoribus, cum tamen eo maxi-  
 me tempore ad generis humani multiplicationem fuisset ne-  
 cessarium. Unam enim costam in unam Fœminam conver-  
 sam. *Gen. 2. v. 22.* propter quam dimittet homo Patrem & Ma-  
 trem, & adhærebit Uxori suæ, & erunt in carne una non tres  
 C vel



vel plures, sed duo. *Eph. 5. vers. 31.* adeoque ipsum Christum ex hac prima Institutione argumentum sumsisse, *ap. Matth. 19. 8.* Exulare hac ratione pacificam & tranquillam Conjugum cohabitationem, cum amor Mariti scindatur in varias partes & plerumque in æquales, *Genes. 19. Deut. 21. 15. Esth. 2. 17. Cant. 6. v. 7. & 8.* unde oriantur jurgia & rixæ. Nec obtineri posse remedium Concupiscentiæ, non modo in Mulieribus, sed etiam ipso Marito, dum copula cum una Conjugium habita alteri statim accendatur amore & in illi rapiatur Venerem, ut ut magnam naturæ inferat vim, cum nimia Venus quadragies plus exhauriat spiritus, & dissipet vires roburque corporis dissolvat, quam detractio sanguinis, dum centum guttæ sanguinis unam guttam Seminis vix æquent, secundum. *Auth. Problem. Sect. 4. Qu. 18. & Sect. 3. Qu. 6.*

46 XIX. Alii, qui negativam defendunt, nec Polygamiam intrinsece malam esse, nec Jure Divino prohibitam asserunt, ex scripturæ dictis *Deut. 21. vers. 15. & Deut. 25. vers. 5.* ubi de Vidua Fratris ducenda agitur, & ob generalitatem textus de Fratre cælibe hoc tantum intelligi posse negant. Cum quo convenit textus *Deut. 17. v. 16. & 17.* ubi Regi præscribitur, ut nec Uxorum nec Equorum nimiam sibi adsciscat copiam. Sic *2 Sam. 12. 8.* DEUS Davidi tanquam insigne beneficium imputat, quod ei complures Uxores & quidem illustres dederit. Et Rex omnia bene egisse dicitur, quamdiu vivebat Sacerdos Jojada, cum tamen ipse Sacerdos Regi desponsaverit duos Uxores. *2 Chron. 24. vers. 2. & 3.* Rationes vero in contrarium adductas non esse perpetuas: Et quamvis quodammodo stringere videatur ex prima Institutione deducta ratio; Certum tamen esse, ibi de Adamo & Eva, qui duo tantum erant, sermonem haberi, & indigitari potius per illa verba arctissimum vinculum, quo Conjuges sibi adstringuntur. In quo sensu quoque Christum interrogatum de Divortio, cur non prolubitu concederetur revocare Phariseos ad primam Institutionem, demonstrans, ideo conjunctos esse Conjuges, non ut separentur, sed ut maneant una Caro, ideoque in dictis locis de Polygamia plane non agi. Et tandem nec absque insigni piorum Patri-



Patriarcharum injuria dici posse : quod non tantum non reprehendissent Polygamiam, si contra primam Institutionem esset, sed insuper quoque a Spiritu S. illuminati ob Polygamiam in peccato, actu mortali, absque poenitentia & extra statum gratiæ in tanta tunc Naturæ ac Divini Juris ignorantia vixerint, *D. Stryk. Annot. ad §. 6. Inst. de Nupt.* Nostram vero Sententiam brevitate studio ipso Discursui publico reservamus. 47

XX. Coitus vero Damnati omnium gravissimum, scæ 48  
dissimum & Jure Divino pariter & humano detestabilissimum Sodomiam vocat *Carpz. Pr. Crim. P. 1. Q. 26. n. 1.* utpote a fine naturali quam maxime recedentem ; in quo sexus perdit locum, ubi scelus est, quod non proficit scire, ubi venus mutatur in alteram formam, ubi amor quæritur, nec videtur, *l. 31. C. ad L. Jul. de Adult.* Omnia quippe generandi Instrumenta sive in Mare sive in Fœmina generationis tantum causa sunt, cum neque ad sensum neque ad motum quicquam faciant : ergo nec uti illis organis licet, nisi generationis tantum gratia : adeoque nefas est, & contra naturam, Libidinis tantum expiendæ causa usui illorum indulgere, *Hahn. d. l. § 76.*

## PARS POSTERIOR.

# Coitus Damnati Poenas & Dispensationem evolvit.

## CAPUT I.

De

# Coitus Damnati Poenis.

## ARGUMENTUM.

*Delicta esse punienda, Jus Natura suadere probatur, quod alias esset Lex imperfecta 1. Flagitiorum cresceret copia 2. Et tandem coerceri non possent 3. Magistratum odio haberent boni, contemnerent mali 4. qui finis, cur poenas damnato coitui dictaverint 5. quæ dividuntur in legitimas, 6. Et arbitrarias, 7. qualis est Fornicationis, 8. quamvis alicubi habeatur licite, 9. Et Concubinatus, 10. Stuprum cum vilioribus commissum in tantum*



non punitur, ut cum honestiori, 11. nec stuprum attentatum pœna ordinaria afficitur. 12. Quenam pœna Stupro Jure Divino dictata, inquiritur, 13. & quidem alimenta semper partui a Stupratore præstanda, 14. usque ad annos discretionis, 15. nisi stuprata plures admiserit, probatur 16. Cum Virgine Sacra commissum Stuprum punitur pœna capitali, 17. uti etiam incestus Iuris Gentium, 18. aut Iuris Civ. cum Adulterio 19. & 20. reliqui vero fustigantur, aut relegantur tantum 21. Pœnam Adulterii ante L. Iuliam nullam fuisse, probatur. 22. ipsa vero L. Iulia relegationem tantum dictatam, apparet ex relegatis ab Augusto filiabus; 23. nisi cum ob Circumstantiam interderetur, 24. adeoque Constantinum & Constantem adulterium primum capitaliter puniri cœpisse probatur, 25. & ad contraria respondetur 26. Leonasi abscissionem constituit, 27. castratione etiam puniti, 28. oculorum effossione, 29. aurium abscissione. 30. Hodie pro diversitate specierum Adulterii 31. varie punitur, & quidem duplicatum gladio 32. Licet Imperator hanc pœnam mitigaverit in Novellis ratione Fœminarum, 33. cum Sacra Scriptura nullam Sexus diversitatem attendat, 34. & hinc in quolibet Adulterio duplicato eadem pœna obtinet: 35. licet secundum Leges Civiles nunquam Adulterium committat Maritus, 36. uti variis Autoritatibus probatur, 37. ad quæ etiam applicatio tertiæ speciei Adulterii remittitur. 38. Respiciendum tamen semper esse ad consuetudinem loci, monetur: 39. cum alicubi capitalis pœna Adulterio statuta, 40. alicubi vero non. 41. Bigamiæ secundum principia Juris Civilis ratione Mariti tantum pœna Stupri puniendam, probatur, 42. quod tamen Const. Car. V. plane mutatum: 43. quamvis etiam Sodomie Jure Civili gladii pœna solum dictata, 44. hodie tamen in vivicomburium mutata; 45. adeo, ut si cum bruto commissa, & hoc ipsum comburendum, 46. plane ut aliquando in ipsas res inanimatas animadvertitur 47. cum vero ob attentatam Sodomiam nec pœna capitalis locum habeat in homine 48. nec tali casu brutum occidi solet, sed alio transferendum 49. salva semper Domino brutorum Actione ex L. Aquilia 50. licet aliquando ob inopiam delinquentis fiat inanis 51.

#### POSITIO I.

1. **C**UM vero ex hæcenus dictis constet, omnem Coitum extra Matrimonium commissum ipso Jure Naturæ esse damnatum, frustra sane damnaret Lex Naturæ, nisi etiam transgressores punire juberet, cum imperfecta ea Lex sit, quæ Sanctio-
2. ne caret & Executione Dn. Ziegl. ad Grot. Lib. 2. Cap. 20. §. 1. p.



m. 425. Imo si post commissa delicta delinquentes nulla maneret poena, omnium flagitiorum cresceret copia, dum quilibet forte cogitaret, licet deprehensus in ipso delicto sit, non ideo tamen conditionem suam futuram pejorem, adeoque ipsis delinquentibus incitamento essent, ut male agere perseverent, C. 13. X. de Vit. & Honest. Cleric. & arg. l. 20. ff. de poen. c. 4. Qu. 5. c. 23. donec ita vitiis adsueta, ut emendari amplius nequeant, secundum illud Ovidii Lib. 1. de Rem Amor. 3

*Vide ego, quod fuerat primo sanabile vulnus,  
Dilatum longæ damna tulisse mora.*

Alios allicerent, ut illi mala agere discant, c. 2. Qu. 9. c. 35. ipsi 4  
Magistratui & odium a bonis, & contemptum a semetipsis conciliarent. Non minus enim noxia est populo nimia Clementia, quam Crudelitas, & gravius interdum impunitate & indulgentia peccatur, quam ipso delicto, secundum Saavedr. Symb. Pol. 22.

II. Quæ mala proinde, ut evitarentur, Coitu damnato 5  
poenas dictaverunt Superiores, quæ Delinquentibus emendationi, c. 5. vers. Præmissis. de Poen. in 6. L. un. C. de Emend. Propinqu. d. c. 4. Qu. 5. c. 23. Magistratui præsidio & aliis Exemplo essent, Deut. 17. vers. 13. & 19 vers. 20. Proverb. 19. vers. 25. Ezech. 23. v. 48. l. 31. pr. ff. Depos. l. 1. C. ad L. Jul. Repet. l. 16. §. fin ff. de Poen. l. 4. C. si Serv. Export. ven. c. 21. Qu. 1. c. 24. Rectissime enim Cicero L. 1. Off. poenis utimur contra delinquentes, ne quid post hac committant ipsi, ceteri vero sint ad delinquendum tardiores, L. 6. §. 1. ff. de Poen. minuatur improborum numerus, & metus & terror aliis paulatim incutiatur, Nev. 17. Cap. 5. Deut. 19. vers. 20.

III. Dividuntur autem in legitimas & arbitrarias, quod 6  
poena legitima, certo peculiareque nomen sortito Crimini, in Legibus expresse præscripta & imposita, uno verbo dicta ordinaria, quam temere suo arbitrio Judicem mutare non posse, certissimi Juris est, vid. Dn. Ziegl. in Dicast. Concl. 36. p. 42. Poena 7  
vero arbitraria oppositive ad poenam certo Jure determinatam dicitur, non ut sit in Judicis arbitrio, poenam infligere vel non, aut quamvis ex cerebrino suo fingere sibi arbitrio, sed quod Judex, ubi nulla certe poena Legibus statuta vel consuetudine



suetudine est introducta, possit poenam arbitrari, secundum qualitatem perpetrati Delicti, & prout rectæ rationi est consentaneum, modo leviozem, modo graviozem, ita ut etiam ad mortis poenam, pro ratione Circumstantiarum, qualitate Criminis ac conditione personæ devenire possit, uti id ipsum asserit Carpzov. *Pr. Crim. P. 3. Qu. 133. n. 29. & seqq.*

8 IV. Arbitrarie punitur fornicationis simplicis Delictum,  
9 quamvis multis in locis, & ipsi Romani Pontifices in urbe Sanctæ sedis publica foveant & permittant Lupanaria: unde in Fiscum suum annuatam ultra triginta millia Coronatorum pro lactis censu, quem vulgo appellitant, *Milchzins* oder *Hurenzoll*, a Clero scortisque accipiunt, sicut refert Carpz. *de L. Regia Cap. 8. Sect. 2. n. 6. Pract. Crim. Part. 2. Qu. 70. n. 7. 8. 9.*

10 V. Sublato ab Imperatore Leone Concubinato, *Nov. 9.* tanquam re turpissima suoque Imperio indigna, add. *Recess. Imp. de Anno 1530. Reformatio Pol. Imperii, tit. von leichtfertigen Beywohnungen*, pariter ut fornicatio arbitrarie punitur, videlicet secundum Statuta & Consuetudines locorum, ubi huiusmodi Delictum committitur, de quo vid. Carpz. *d. l. n. 14.* nec non Dedeken. *Consil. Vol. 61. von Gebrauch des Bind- und Löseschlüssels, n. 11.*

11 VI. Cum in vilibus & corruptis Stuprum non committatur, *l. 29. C. ad L. Jul. de Adult.* ibique Godofr. sed tantum in Virginibus & Viduis honestis, quæ Virginitas & Honestas semper præsumitur, adeo & Stuprator contrarium asseverans secundum communia principia onere probandi gravetur; nec Stupri poena in iis locum habebit, vid. *l. 13. §. 2. ff. d. t. aut ad minimum non eandem, vid. §. 4. Inst. de publ. Jud. l. 1. §. 2. ff. de Extraord. Crim.* nisi hos textus de speciali casu Stupri scil. violenti aut Raptus quis intelligere velit, vid. Berlich. *Tom. 5. Concl. 38. n. 2. Menoch. de Arbitr. Jud. Quest. Lib. 2. Cas. 288.* quos Casus semper poena capitalis sequitur, per *Const. Crim. Art. 119. l. un. §. 2. C. de Rapt. Virg.* si delicta fuerint consummata, *dict. Const. Crim. 119. & arg. de l. un. ibi: post legitimas & juri cognatas cognitatas probationes.* Attentatum vero Stuprum, quatenus in nudis sollicitationis terminis consistit, extraordinarie tantum puniri solet *l. 1. pr. ff. de*

*Extraord.*



*Extraord. Crim.* salva tamen insuper quoque poena ordinaria videlicet Injuriarum, per l. 9 § si quis l. 15. §. si quis Virgines, ff. de Injur. & §. 1. Inst. eod. ibique Schneidwin.

VII. Jure Divino & Canonico Stuprator vitiatam & ducat & dotet, *Exod. 22. vers. 16. Deut. 22. vers. 28. & seqq. C. 1. & 2. X. de Adult.* ita ut propter vim & naturam particulæ copulativæ ad utrumque obligetur, nisi in praxi Copula Et resolveretur in alternativam, si sc. stuprata ipsa nulla stupratori ad comittendum stuprum dedit occasionem, aut post deflorationem ab alio fuit cognita, aut Stuprator fidem dedit de Matrimonio. Semper autem ex Stupro Fœmina prægnante partui alimenta præstanda a Stupratore, l. 9. C. de Patr. Potest. cum natura inter liberos non faciat differentiam, nisi jam sibi ipsi alimenta operis suis acquirere queat, Dn. Carpz. p. 2. c. 10. D. 18. & Berlich. P. 5. Concl. 381. n. 42. & seqq. aut stuprata more meretricio plures admiserit, Conf & Brunn, Rep. Paratil. Wesenb. ad ff. h. t. Qu. 42. cum seqq. & Coll. Argent. d. 1. §. 25.

VIII. Cum statuatur poena capitalis in eum, qui non tantum rapuit, sed attentavit etiam Matrimonii causa Virgines sacras, l. 5. C. de Episc. & Cler. nisi poenitentia ductus sponte a Conatu resilierit, arg l. 19. ff. ad L. Corn. de Fals. & noluerit eas cognoscere, cum potuisset, Brunn. in Comm. ad d. l. 5. n. 4. multo magis ob fornicationem aut stuprum locum habebit poena capitalis. per Nov. 123. Cap. 43. & C. si quis rapuerit. c. 27. Qu. 1. Add. Nov. 123. C. 29.

IX. Ultimo supplicio etiam ii afficiuntur, qui Incestum Juris Gentium seu Coitum nefarium cum descendantibus & ascendentibus, vid. Berlich. Tom. 4. Concl. 32. n. 13. aut Incestum Juris Civilis cum adulterio committunt. Quod si enim incestuosi Collatorales aut Affines utrinque & etiam soluti poena capitali afficiendi forent, ut vult Menoch. de A. J. Q. Cas. 502. n. 14. cum seq. & n. 31. 34. Coler. P. 2. Decis. 134. n. 8 Boër. Dec. 318. n. 3. sub fin. nulla esset differentia inter Incestum ab ascendentibus & descendantibus, & inter Incestum a collateralibus commissum, contra l. 38. §. 1. & 2. ad L. Jul. de Adult. Hinc fustigationis & deportationis poena puniendos eos esse alii rectius sentire videntur, Berlich. d. Conclus. 32. n. 5. Cothm. Vol. 3. Resp. 48. n. 43.

Coi-



**21** Coitum incestuosum vero a Conjugatis commissum poena mortis sequitur. Cum enim poena Adulterii hodie sit capitalis, *l. 32. in fin. C. ad L. Jul. de Adult. Nov. 134. C. 10.* multo magis capitalis erit, si Incestus concurrit, Steph. in *Not. ad Const. Crim. Art. 117.*

**22** X. Notanter autem dico, hodie poenam Adulterii demum capitalem obtinere, cum quoad jus Civ. Adulterii non semper una eademque fuerit poena. Nam ante Legem Juliam latam nullam certam poenam Adulterio destinata fuisse, constat ex Sueton. in *Tiberio. Cap. 35. Tacit. Annal. L. 2.* sed impudicarum Mulierum coërcitionem propinqui ac necessarii habebant, qui in eas pro arbitrio statuebant, Liv. *Lib. 10.*

**23** XI. Quamvis autem optimus Princeps Augustus, qui per adoptionem quoque Julius fuit, unde Lex nostra nomen accepit, a toto Imperio corruptelas Matrimonii arcere conaretur, tamen in domo sua eas deprehendit, cum Julia utraque tanti Principis filia & neptis certatim quasi Adulteriis incumberent, etiam in ipso foro noctu & eo in loco, ubi patet hanc Legem Juliam de Adulteriis tulerat, Senec. *de Benef. Lib. 6. C. 32.* donec flagitiis sibi compertis Augustus illam quidem in Pandaneriam Insulam Campaniæ vicinam relegaret, ubi etiam post quatuordecim annorum exilium mortua est, ut refert ex Tacit. *Lib. Annal. Schneidwin. in Repet. Legis Transfigere Cap. 6. n. 15.* Hanc vero Adulterii damnatam in Insulam Trimeram haud procul Apulis mitteret, Schneidwin. *d. l. n. 16.*

**24** XII. Unde apparet, nec hujus Legis poenam ab initio fuisse capitalem, nisi cum ob Circumstantias intenderetur, Lips. *ad Lib. 4. Tacit. ut in militibus, quos ab omni libidine puros servari castrorum disciplina postulat, vid. l. 2. §. Miles. ff. qui not. infam. l. 4. §. Adulterii. ff. de re Mil. & Coll. Arg. Lib. 48. Tit. 5. §. 17. ad- eoque tantum infamiæ, aut amittendæ Dotis, aut certa relegationis poena communiter obtinebat, l. 5. ff. de Quæst. l. 6. ff. de Divort. Nam si poena capitalia Legis Juliæ fuisset, inepte vetuisset damnatam Adulterii in Uxorem ducere, l. 43. §. 10. ff. de R. N. aut Testimonium dicere, l. qui testamento. §. mulier. ff. qui test. fac. poss. L. 29. ff. ad L. J. de Adult. l. Ex co ff. de Testib.*

**25** XIII. Post Augustum vero Constantinus & Constans primum



primum Adulterium capitaliter punire cœperunt, *l. 30. §. 1. C. ad L. Jul. de Adult. Add. §. 4. Inst. de Publ. Jud.* qui obstare videri 26 posset, nec non ad varias Instantias in contrarium petendas ex Valer. Max. Livio Juvenal. Virg. eleganter respondet Colleg. Argent. d. l. sc. Justinianum pœnam capitalem tantum reiterasse in *§. 4. Inst. de Publ. Jud.* ut jam Lex Julia ex Reformatione, non ex prima latione sua pœnam gladii minetur Adulteris, & plus hic legum universalium, quam historiarum singularium tribuendum esse Autoritati, cum historiæ contineant quæstionem facti, quod ob varietatem Circumstantiarum variationem pœnæ admittere potuit.

XIV. Post Justinianum Leo Imperator constituit, ut A. 27 adultero & Adulteræ nasus abscinderetur, *Nov. Ej. 32.* ut hinc rideat eundem in Marito quodam Martialis his verbis:

*Quis tibi persuasu nares abscindere Mæcho,  
Nil hæ peccatum est parte, Marite tibi.*

Sic etiam castratione Adulteros effecerunt secundum Horat. 28 *Lib. 1. Satyr. 2.*

*Quin & illud  
Accidit, ut cuidam testes, caudamque salvam  
Demeteret ferrum.*

Aut. Oculorum effossione, quam sanxit Zaleucus, eamque 29 primus post sanctionem applicavit Filio, *Cœl. Rhod. Lect. Antiqu. Lib. 11. Cap. 79.* aurium quoque abscissione, cujus rationem reddit Reinking. *d. R. S. & E. Lib. 2. Class. 1. cap. 8. n. 7.* 30

XV. Hodie tres Adulterii species constituunt, primo: In- 31 ter conjugatum & fœminam nuptam. Secundo: Inter virum conjugatum & mulierem solutam. Tertio: Inter virum solutum & mulierem conjugatam, & hinc quoque pro diversis Adulterii speciebus diversam minantur pœnam. Inter utrinque conjugatos commissum Adulterium sublati hodie per *l. 30. C. 32 ad L. Jul. de Adult. §. 4. Inst. de Publ. Jud. & l. 18. C. de Transact.* omnibus discordiis pœna gladii afficitur. Quamvis autem Justini 33 anus Imp. Jure novissimo pœnam capitalem remiserit, *Auth. sed hodie C. ad. L. Jul. de Adult. quæ desumpta est ex Nov. 134. Cap. 10. & 12.* cum ob infirmitatem & fragilitatem sexus facilius in A- 34



dulterii crimen prolabatur Mulier, quam Masculus, & hinc ob  
spem emendationis virgis cæsas & rasas in Monasterium mit-  
tendas cenferet; moribus tamen non attento personarum re-  
34 spectu siue Mas sit, siue Foemina, capite plectuntur cum Sacra  
Scriptura Differentiam sexus hac in parte omnino respuat, &  
impudicitiam Mulierum non minus coërceat, quam Virorum  
*Exod. 20. Deut. 22. Levit. 20. vers. 10. Ezech. 16. vers. 38.* ne dicam, Vi-  
rum & Uxorem non debere ad imparia judicari, & quod in  
correlativis sit eadem Dispositio, c. in conjugio c. 32. *Qu. 1. l. 1. C. de*  
*Cupress. lib. 11.*

35 XVI. Ex qua ratione neque in secunda supra allata Adul-  
terii specie poenam Adulterii evitare poterit Maritus, quod se-  
36 cundum Leges Civiles Adulterium nunquam committatur  
respectu Viri, utpote, quod in nupta tantum committitur,  
propter partum ex altero conceptum, secundum Papinianum  
*l. 6. §. 1. ff. ad L. Jul. de Adult. Add. Berlich. P. 4. Conclus. 27. n. 48.*  
quia Maritus rem habens cum Virgine vel Vidua alterius tho-  
rum, (qui ut Domicilium soli Viro adscribitur, *l. mulierem ff. de*  
*R. N. l. 6. C. de Don. ante Nupt.*) non ascendit, nec Matrem fam-  
corrumpit, ut ait Triphon. in *l. 225. ff. de V. S.* nec partum ex al-  
tero conceptum supponit, unde Papinianus in *d. l. 6.* Adulte-  
37 rium deducit. Quod si enim Jus Divinum, primam Conju-  
gii institutionem, vinculum & fidem Conjugii intuear, omni-  
no Adulterium est, cum Maritus cum soluta rem habuit, *Gen.*  
*1. vers. 27. Gen. 2. vers. 24. Matth. 19. vers. 5. 1 ad Corinth. 6. vers. 15. 16.*  
*1 Corinth. 7. vers. 3. c. Dixit. c. 32. qu. 4. c. non mœchaberis. c. 32. qu. 6.* se-  
paratenim carnem a DEO conjunctam, Augustin. de Bon.  
Conjug. *Lib. 2. & Lactant. Lib. 6. Cap. 23.*

38 XVII. Ex quibus nunc facile colligere licet, quid de pœ-  
na tertiæ speciei Adulterii sentiendum. Sed ut in genere in  
39 puniendis Delictis consuetudo loci attendenda: ita etiam in  
puncto Adulterii, cum constet, plerisque in locis Statutis mu-  
40 nicipalibus, vel usu vel constitutionibus superiorum Judicum  
non pœna capitali, sed pecuniaria tantum vel alia extraordi-  
naria & arbitraria affici, vid. Menoch. A. J. Q. L. 2. *Cent. 5. Cas.*  
*519. n. 74. & seqq. Berlich. P. 4. Concl. 27. n. 21.* Jure vero Elect.

Saxon.



Saxon. & moribus quorundam aliorum locorum, etiam pro- 41  
pter secundum & tertium genus Adulterii poena gladii dicta-  
tur Marito, & fustigatio Foeminæ solutæ, & vice versa, *Const.*  
*Elect. 19. P. 4. ibique Carpz.*

XVIII. Si quis maritus vel Uxor altero Coniuge adhuc 42  
superstite, aliam Uxorem vel alium Maritum superinduxerit,  
Jus Civile magis pro Stupro, quam Adulterio hanc Polyga-  
miam habere videtur, *l. 18. C. ad L. Jul. de Adult.* Quare & Stu-  
pri poena, *b. e.* fustigatione illam puniri plerique arbitrantur,  
quorum nonnullos recenset Wessenb. *Paratit. ad ff. d. t. num. 8.*  
Nec Jure novo hoc correctum, licet hoc statuatur Carpz. *Qu.*  
*66. n. 24. per Auth. hodie. C. de Repud. & Nov. 117. Cap. 11.* cum hi tex-  
tus de bigama Uxore tantum loquantur, bigamus vero tan-  
tum Stuprum committit, ut præter modo allegatam *l. 18.* & i-  
pse *Articulus 121. Const. Crim.* Caroli V. expresse fatetur per ver-  
ba: **Und wiewol die Keyserlichen Rechte auf solche Ubel-**  
**that keine Strafe am Leben setzen.** quo ipso textu demum 43  
Jus Civile in tantum mutatum, ut nec locum inveniat distin-  
ctio Wessenbecii, quam *d. l.* affert, ut teneatur demum capi-  
tali poena bigamus, si superinduxerit itidem conjugatam, non  
vero si solutam, uti solide hæc demonstrat pluribus Hahn. *in*  
*Observ. ad Wessenb. Paratit. l. d. t. n. 8. Add. Brunn. in Comm. ad d. l. 18.*  
*C. de Adult.*

XIX. Crimen Sodomix, cum involvat Coitum nefan- 44  
dum plane & maxime damnatum, non immerito poena capi-  
talis sequitur, & quidem poena gladii, vid. *l. 31. C. ad L. Jul. de*  
*Adult. §. 4. Inst. Eod. Nov. 77. pr. Nov. 141. Item c. Adulterii. c. Offerebat.*  
*e. Flagitia & c. C. Usus c. 32. qu. 7. juncto. c. 4. X. de Extess. Pralat.* quæ 45  
hodie exasperata, *Const. Crim. Art. 116.* & mutata in vivicombu-  
rium, siue cum hominibus, veluti Mas cum Mare aut foemina  
cum foemina, siue cum animantibus brutis commissis fuerit.  
*Conf. Carpz. Prax. Crim. Quest. 76. n. 21.* quo casu & ipsum bru 46  
tum comburi solet, ut memoria criminis penitus deleatur,  
ne horrendi facti memoria ante oculos hominum versetur,  
recordationeque sceleris aliis suggerat maleficii perpetrandi  
notitiam, *c. 4. c. 25. qu. 1. Add. Carpz. Pr. Crim. Part. 3. Qu. 131. n. 16.*



47 pari modo sicut quandoque in res inanimatas animadvertitur, uti domus dirui jubent Leges, in quibus crimina admissa sunt, in exemplarem & graviores pœnam ac detestationem delicti, l. 1. C. de Fals. Monet. Damhoud. P. 2. Rer. Crim. Cap. 65. n. 9.

48 XX. Quando vero attentatum tantum fuit crimen, & immissio ipsa Seminis probari nequit, non solet pœna ignis, sed alia arbitraria pœna pro modo attentati consummationi proxime accedentis dictari, e. g. Fustigatio, Damnatio in me-

49 tallum, &c. Nec tali casu brutum solet occidi, sed ut sceleris memoria pereat, extra locum istius Jurisdictionis, in alium locum defertur. Ex quibus sequitur, quod, si plura bruta sint quibuscum homo commisit hoc crimen & consummavit,

50 omnia debeant extingui. Ne vero Dominus istarum pecudum grave damnum incurrat, paratam habet Actionem Legis Aquilæ ad damnum repetendum ex hereditate puniti hominis, quantum inde desumi potest, alias pro fatali damno hæc omnia reputaturus, Magnif. D. Rhet. in Lect. Publ. ad Const. Crim. Carl. V. de Art. 117. ad verba: Von Leben zum Toderichten.

## CAPUT II.

De

### Coitus Damnati Dispensatione.

#### A R G U M E N T V M.

Cum Principi conveniat Clementia 1. merito Jus strictum aliquando mitigandum asseritur 2. adeoque & Coitus Damnatus, licet in se semper malus 3. non obstante, quod a quibusdam Gentibus aliquando 4. in primis in bello permissus 5. semper quidem puniendus 6. mitius tamen quandoque 7. cum ob circumstantias concurrentes interdum in ipsius Juris Naturæ præceptis dispensetur 8. quæ circumstantiæ recensentur 9. Pœnas Juris Naturæ firmandi causa a Jure Civ. inventas asseritur 10. & quidem magis Societatis humanæ gratia, quam delinquentis 11. hinc exasperanda aliquando 12. aliquando vero remittenda 13. cum nec eadem ubique turpia aut honesta habeantur 14. & pro genio Populi ob salutem Reipubl. aliquando indulgendum 15. veluti ex concessione Lupanariorum & concubinatus apparet 16. ipsis quidem Judæorum Matrimonii melioris 17. inhonesti tamen 18. adeoque



que ob salutem Reipubl. quidem permissibilis 19. ob conscientiam tamen non exercendi 20. cum Principis Dispensatio circa Leges Civiles facta tantum securum reddat 21 prout variis Autoritatibus probatur 22. sic quoque cum incestus Juris Gent. crimen capitale sit 23. & contra Jus Naturæ 24. ejus pœna mitigari vix potest 25 nisi justa ignorantia possit allegari 26. cujusmodi notabile Exemplum communicatur remissive 27. Viceversa in secundo gradu lineæ æqualis, aut tertio gradu lineæ æqualis, valida erit Dispensatio 28. cum nulla hoc casu Juris Divini prohibitio 29. sed potius exempla ex Sacris bibliis adsint in contrarium 30. suffragante quoque Jure communi 31. Quæ pariter quoque in affinitate obtinere 32. & gradibus ulterioribus probatur 33. Quid genera affinitatis sint, explicatur 34. atque in secundo & tertie genere permissum esse Matrimonium, probatur ex Jure Can. 35. & Præjudiciis 36. quamvis dissuadendum, si res adhuc integra 37. re autem non amplius integra omnino concedendum, probatur 38. Nec minus quoque defunctæ Sponsæ sororem in Matrimonium ambiens dispensationem habere potuerit, 39. præstito tamen aliquando prius Juramento purgationis 40. & alias quoque in hac Dispensatione caute procedendum, monetur 41. Gravitas delicti adulterii demonstratur 42. & hinc de pœna ejus dispensatione dubitatur 43. quamvis locum hodie invenire soleat ob intercessionem Conjugis innocentis 44. sive tacitam, sive expressam 45. relegata tamen parte nocente, & parte innocente secuta, ob interesse publicum 46. Neque intercessionem conjugis innocentis adultero corruptori prodesse contra Carpzovium 47. probatur 48. Insuper, licet desponsatæ habeantur pro conjugibus 49. Jure Civ. 50. & Divino 51. Jure tamen Sax. pœnam adulterii cum desponsata commissi mitigata 52. ac mutata in fustigationem & perpetuam relegationem 53. & 54. Sic quoque ordinaria pœna remitti solet, si conjux adulterata jam fuerit meretrix 55. cujus assertionis fundamentum demonstratur 56. & ulterius declaratur 57. Idem interveniente malitiosa desertione obtinere dicitur 58. respectu habito, annon altera pars causam dederit, quo liberius scortetur 59. aut facilius a Conjuge solvatur 60. denique dispensationem quoque suadere solet error in persona, quam adulter putavit innuptam 61. aut vice versa Conjugem, cum esset innupta, vel Uxor propria 62. quod illustratur exemplo 63. cum Judex sæculi non ut Judex poli cogitationes attendat 64. & 65. adeoque tale adulterium ut attentatum extraordinarie tantum punit 66. Idem quoque in bigamia, licet casu in verso asseritur 67. modo probare possint contrabentes, quod omnia ex justo errore, non vero dolo egerint 68. ratione quoque habita,



*an ex justa caussa absit Coniux 69. non vero malitiose 70. Quod autem de Sodomia plane negatur 71. cum seqq. & concluditur.*

POSITIO I.

- 1 **C**Um autem secundum Justinianum nihil tam peculiare Imperialis Majestatis, quam clementia & humanitas, per quam solam DEI servatur imitatio, *l. ult. C. de Donat. inter vir. & ux.* & *l. 23. pr. C. de Nupt.* pro rerum, temporis & personæ circumstantiis, atque varietate stricti Juris rationem mitigare, & ad misericordiam potius, quam ad severitatem deflectere poterit, *R. A. zu Speyer de Anno 1526. §.* Es soll sich auch eine jede Obrigkeit gegen denen, so der Bäurischen Aufruhr halben ausgetreten nach Gelegenheit eines jeden Verhandelung dermassen erzeigen, damit die Unterthanen, so viel sich die immer leiden will, mehr Gnad und Gürtigkeit, denn die Scharff und Ungnade spüren und finden mögen.
- 3 II. Et quamvis Coitus extra Matrimonium commissus in tantum damnatus, ut nulla Exceptio sive personarum, sive temporis, sive aliarum Circumstantiarum admitti debeat, non enim, sicut in quibusdam casibus licet occidere, vid. *Grot. de J. B. & P. L. 1. C. 2. §. 5. L. 2. C. 1. §. 3. & L. 3. C. 4. §. 3.* ita in quibusdam scortari aut adulterium committere licet, ut loquitur *Arist. L. 2. Eth. C. 6.* in talibus recte aut non recte faciendi vis in eo posita est, ut, quatenus & quo tempore & quomodo adulterium facere oporteat, animadvertatur, sed simpliciter & absolute quidvis horum admittere, peccare est. Ex quo fonte errorem Michaëlis Ephesii profluxisse dicit *Grot. de J. B. & P. L. 3 C. 19. §. 2.* qui ad quintum Nicomachorum inquit, in tyranni Uxorem adulterium non committi, & hoc ipsum pari errore quosdam Judæorum Magistros de alienigenis statuisse. Sic etiam stupra in bellis passim permessa legere licet, cum spectarent aliqui solam Injuriam in alienum corpus, cui subjacere quicquid hostile est, Juri armorum non in congruens judicantes *Grot. d. l. cap. 4. §. ult.* ubi vero Grotius ipse statim hæc simul refutat, quod sc. non solum Injuria, sed ipse efferatæ libidinis actus hic considerandus, & quod is neque ad securita-
- 6 tem



tem pertineat, neque ad poenam, ac proinde non bello magis, quam pace impunitus esse debeat.

III. Poterit tamen quandoque Princeps accedente legitima causa mitius quid statuire, impunitatem delicti commissi Reo concedere, vel ordinariam poenam in extraordinariam convertere, modo caute & circumspicere agat, & in prius consideret, num delictum commissum Lege Divina sit capitale, & num circumstantiæ adsint urgentes, propter quas poenam remittere vel mitigare possit. Nonnunquam enim causæ quædam concurrere possunt, in quibus, quod ex Lege & Jure Divino prorsus est capitale, ex circumstantiis facto & delicto accidentibus ita leve efficitur, ut capitaliter puniri plane non possit. Quas circumstantias Dd. communiter ratione causæ, an sc. consulto quid perpetratum, ratione personæ, loci, temporis, qualitatis delicti, ejusdem quantitatis & eventus dividere solent, veluti in sublequentibus ulterius apparebit.

IV. Sciendum autem in antecessum, quod quemadmodum ob servandam inter homines societatem præcipuis Naturæ legibus, cum neque quantitatem neque qualitatem poenæ definiant, in cunctis fere Civitatibus vis Legum civilium fuerit danda, ut etiam metu violentiæ humanæ ad eas servandas adigi possent, quibus alias reverentia Numinis parum efficax stimulus faciendo officio erat futurus, ita ut omnis quoque poena in foro humano ad eundem scopum collimare debeat. Ut hinc proprie poena non delinquenti debeatur, tantum aliquid, quod non recte ipsi possit denegari, (nisi forsitan quatenus ipse inde emendandus est,) sed Societati, quæ isthac impunitate, aut maligna poena dispensatione turbaretur. Unde apparet ratio triti istius: Crescentibus delictis exasperandæ sunt poenæ. Sicut contra, ubi vitium aliquod in mores abiit, ut propter delinquentium multitudinem poenæ exigendæ locus non restet, nisi per supplicia Civitatem prorsus exhaurire velis, aut evertere, Reipubl. necessitas poenas remittere jubet, præsertim, cum nullo alio respectu necesse sit, hominem ab homine poenam ob quodvis delictum sumere, nisi, ut Societas humana servetur.



- 14 V. Et hæc ratio est, cur non omnibus eadem dicantur honesta atque turpia, sed quæ apud alios sunt decora, apud nos partim infamia, partim humilia atque ab honestate remota putantur, vid. Cornel. Nep. in *Præf.* & Tacit. *L. 2. Annal.* Hinc Tiberius ad P. C. super querela proposita de luxu coërcendo civitatis Romæ: *Quod si mecum, Viri strenui, Aediles consilium habuissent, nescio an suafurus fuero, omittere potius prævalida & adulta vitia, quam hoc adsequi, ut palam fieret, quibus flagitiis impares essemus.* Tacito *Lib. 3. Annal.* Maxime namque in Legibus præscribendis subditis, Princeps quidem respiciendum habet, quid conveniat Juri Naturæ, & fieri oporteat, sed cum corrupta humani generis indoles capax amplius non videatur, ut actiones ejusdem Justitiæ universalis postulatis conformes reddat, & per consequens Respubl. ad ductum Justitiæ universalis exacte gubernari possit, indulgendum potius aliquid est a Principe vel Legislatore, ut majoribus malis hac ratione obviamiri possit, D. Stryk. *Not. ad præf. Inst. de J. & J.*
- 15 VI. Unde fluit moralitas dispensationis Lupanariorum & Concubinatus. Cum enim non tantum apud Afros & Græcos nulla amplius Civitatis pars superesset, quæ non plena sordibus, nulla intra Urbem platea, semita, quæ non lupanar, adeo omnia pene compita, omnes vias, quasi in foveas libidinum mutassent, aut quasi retia prætexuissent, prout de nefandissimis illis moribus conqueritur Salvianus *L. 7. de Div. Provid.* sed etiam apud Romanos in multorum honestorum Virorum prædiis Lupanaria exercerentur, quo facilius a promiscuo & infito fornicationis coitu abstinerent, concedebant Concubinarum, non tantum fornicatione, sed etiam ipso Judæorum matrimonio meliorem, cum in concubinato una tantum, & quidem extra Matrimonium concederetur, apud Judæos autem plures in matrimonio permitterentur, vid. Dn. Ziegl. ad Grot.
- 16 *L. 2. C. 5. §. 15.* Quamvis autem & ipse concubinatus contrarie-  
 17 tur honestati, quia tamen Salus publica ejus fuisset permissio-  
 18 nem, secundum Justitiam particularem toleratus fuit, cum in-  
 tempestiva remedia delicta accendere soleant, non tollere, se-  
 cundum illud Taciti *Lib. 12. Annal. C. 54.* nec tam medicina pa-  
 raretur,



raretur, quam clades & strues cadaverum fieret, vid. Tacit. Lib. 1. Annal. Cap. 49.

VII. Et hinc probe distinguendum inter Actum pro 19  
prium & alteri tantum permissum: Qui enim aliquid permit-  
tit seu tolerat, illud non prohibet, quia non potest, quia metu  
majorum malorum impeditur, & eapropter Rempl. in casum  
dare non decet. Adeoque permissio non est Actio, sed Actio-  
nis potius negatio, nec Jus alicui concedit, Actiones morali-  
ter illicitas omnino licite excercendi, nec efficit, ut ille Actus 20  
non sit contra Jus Naturæ, aut extra poenæ divinitus immi-  
nentis metum, sed impunitatem tantum præstat, Actum vero  
ipsum in genere justorum non constituit, vel eundem appro-  
bat suadetque, sed potius circumscribit, limitat & restringit.  
Nam trita & in æquitate pariter naturali fundata est Regula:  
Inferiorem non posse derogare vel abrogare legem superio-  
ris, c. 4. X. de Usur. l. 4. ff de Recept. qui arb. recep. Qui vero homini  
hoc concesseris, ut ipse DEI Creatoris sui statutis contravenire  
possit, Deut. 4. vers. 2 Maxime quod ad observationem divina-  
rum legum conscientia ratione obstrictus sit quilibet, etsi in  
universo hoc terrarum globo superiorem recognoscat nemi-  
nem, vid. Deut. 27. vers. ult. & Cap. 5. vers. 32. Paul. ad Galat. 3. vers. 10.

VIII. Qua propter generalis notanda est regula: Quod 21  
dispensatio tantum in coitu legibus civilibus damnato locum  
inveniat, quatenus Juri Divino aliquid superaddunt, c. 20. &  
seqq. c. 35. qu. 3. c. 1. c. 35. qu. 8. Quo facit imprimis c. 2. dist. 10. Ubi 22  
traditur, non licere Imperatori aliquid contra divina manda-  
ta præsumere, nec quicquam, quod Evangelicis, Propheticis  
aut Apostolicis regulis obviet, agere Cui consentaneum est  
illud Ambrosii: Noli te gravare, Imperator, ut putes te in ea, quæ divi-  
na sunt, imperiale aliquod Jus habere: Noli te extollere, sed si vis diutius  
imperare, esto DEO subditus, in Epist. 33. ad Marcellin. Soror. c. conveni-  
ens. c. 23. qu. 8.

IX. Hinc cum Incestus crimen Jure Divino expresse si 23  
prohibitum, & eo etiam Jure inter ascendentes maxime & des-  
cendentes commissum capitale, Levit. 20. vers. 22. quod jam suo  
tempore agnovit Ovid. dum ita canit Lib. 10. Metamorph. 24



*Ultra autem sperare aliquid potes impia Virgo?  
Nec quod confundas & Jura, & nomina sentis,  
Tunc eris & Matris pellex, & adultera Patris,  
Tunc Soror nati, generisque vocabere Fratris,  
Nec metues sacra crinitas angue Sorores,  
Quas facibus sevis oculos atque ora potentes  
Noxia corda vident? At tu dum corpore non es  
Passa nefas, animo ne concipe: neve potentis  
Concubitu vetito Natura pollue foedus.*

25 Indubitato constat, quod ratione incestus nulla dispensatio  
26 obtinere queat, nisi relevantes maxime circumstantiæ con-  
current, ut si subsit ignorantia, & sub figura matrimonii com-  
27 mittatur, arg. l. fin. ff. de R. N. cujusmodi valde notabile Exem-  
plum suppeditat D. Müll. *Præf. Tom. Illustr. Cap. 4. Pos. 4.*

28 X. Licet autem de Jure moderno & provinciali Nuptiæ  
inter Consanguineos usque ad secundum gradum lineæ æ-  
qualis & tertium inæqualis sint prohibitæ, attamen quia hæc  
prohibitio in solo Jure positivo & municipali est fundata, pro-  
pter probabilem aliquam rationem dispensationi locus da-  
29 tur, modo non subsit respectus Parentum & liberorum. Cum  
nulla Juris Divini sanctio, nec sententia nec ratio matrimonio  
consobrinorum & patruelium obstet, *Lev. 18. & 20.* quin potius  
30 Moses & Iosua hujusmodi Nuptias concesserunt & approba-  
31 runt, ut de Mose legitur *Num. ult. Jos. 15. & Jud. 1.* Nec non hoc  
in casu res ad Jus Comm. tantum redigitur, quo tale matrimo-  
nium expresse permissum, §. 4. *Inst. de Nupt. l. 67. §. 1. ff. de R. N.*  
*l. 19. C. de Nupt.*

32 XI. Quæ pariter quoque in Affinitate obtinere ex eo sa-  
tis apparet, quod Maritus per matrimonium fiat una caro, ut  
sic eodem vinculo cognatis Uxoris jungatur. Nam in Affi-  
nitate una eademque graduum est computatio, eadem quoq;  
erit prohibitio matrimonii, *Schneidw. ad tit. Inst. de N. R. de Arb.*  
33 *Affin. n. 9.* Et cum jam certum sit, quod dispensatio obtineat in  
gradu Consanguinitatis secundo lineæ æqualis, procul dubio  
obtinebit in gradu tertio & quarto lineæ inæqualis, cum ipsa



naturalis ratio suadeat, quod in gradu proximior tanta non sit proximitas sanguinis, quæ in gradu propinquior.

XII. Cœterum cum circa materiam Computationis non tantum respiciendum, an personæ, de quarum Affinitate quaeritur, tales sint, & quo gradu, sed etiam quo genere conjunctæ sint, cum triplex Affinitatis genus constitutum, pro varietate triplicis matrimonii, quod nulla nova Cognatio intervenit & sexum semper mutavit, de generibus hisce Affinitatis nunc videndum. Et quidem secundo & tertio genere Affinitatis matrimonium non attentis gradibus permissum volunt, explosa Juris Pontificii sanctione, in *c. 12. c. 35. qu. 2. 3. per cap. pen. X. de Consanguin. & Affin.* ubi in secundo & tertio genere libere matrimonium permittitur, Conf. Dn. Richt, *P. 1. D. 10. n. 14.* Hahn. *ad Wesenb. de R. N. n. 4.* Schneidw. *d. l. n. 13.* sicut & in Facultate Juridica Francofurtensi *d. 18. Jul. Anno 1677.* pro tali matrimonio pronunciatum, testatur D. Stryk. *Annot. ad Inst. de Nupt. Rubr. de Comput. Grad. Affin. §. 25.*

XIII. Judex tamen Ecclesiasticus, quando res est integra, has personas graviter admonere debet, ut a tali matrimonio abstineant propter scandalum, cum imperitis facile hac ratione occasio dari posset ad incestum. Si vero res non amplius est integra, sed celebrata jam sunt sponsalia, vel alias efficax promissio facta, tunc tale matrimonium non dissuadendum judicarunt Theologi & Jcti Wittenbergenses, attestante Beust. *P. 2. C. 55.* Quæ maxime illustrantur per *Respons. Consist. Dresd. ap. Dedeken Vol. 3. Consil. Theolog. Lib. 3. Sect. 6. n. 29.* Et eatenus D. Stryk. *d. l.* cum aliis Dd. concedit, ut quis Sororis denatæ Mariti Viduam in uxorem ducat, conf. Dn. Philipp. *Us. Pract. ad Inst. Lib. 1. Eclog. 67.*

XIV. Præterea, cum neque nudis Sponsalibus contrahatur Affinitas, nisi sequatur matrimonium, §. 9. *J. de Nupt.* nec etiam consensus cognationem ante copulam carnalem constituat, quæ matrimonium impediat, Dn. Richt. *P. 1. Dec. 11. n. 16.* dispensatio obtineri poterit, qui defunctæ Sponsæ sororem in matrimonium ambit, præstito prius in dubio si crebra Sponsi cum Sponsa conversatio Juramento purgationis, quod



41 Sponsam suam carnaliter non cognoverit. Quamvis caute in dispensatione hac procedendum non dubitem, cum in verendum videatur, eam in amplexus tuos ire, quæ osculis Patris, Filii vel Fratris maduit, ut loquitur Matth. in l. 48. ff. tit. 3. cap. ult. n. 26. allegatus a Dn. Brunn. in *Comm. ad l. 5. § 8. C. de Incest. & Inutil. Nupt.* & scandalum facile oriri posset in Ecclesia, præsertim apud plebem, quæ inter Affinitatem inchoatam & consummatam vix distinguere novit.

42 XV. Insuper, cum Adulterium quoque tam grave delictum sit, ut Lycurgus nullam de Adulteriis legem vel ideo sensitulisse dixerit, quod tanta apud Spartanos eo tempore pudicitia esset, ut neminem ejus criminis Reum arbitraretur, adeoque non immerito & hic Coitus sub pœna capitali ipso Jure divi-

43 no damnatus, ut supra demonstratum: Quin capitalis hujus delicti pœna a Principe regulariter remitti, isque adeo de alieno benignus esse nequeat, post alios rectissime tenent Carpz. *Pr. Crim. P. ult. Qu. 150. n. 29.* Limn. *de Jur. Publ. Imp. Rom. Lib. 4. Cap. 8. n. 283.* Heig. *Quest. Illustr. Part. 2. Qu. 24. n. 30.*

44 XVI. Cessat tamen ordinaria gladii pœna, (1) Si Conjux pro Conjuge Adultero intercedat, arg. *Auth. sed hodie C. ad L. Jul. de Adult.* quod Jure Electorali Saxonico, si singulares quædam concurrant circumstantiæ, etiam procedit in Adulterio primi generis, quod duplicatum vocant, *Decis. Elect. 82.* ibique

45 Dn. Philipp. Dn. Richter. *Decis. 88. n. 89.* si expressa intercessione Injuriam sibi illatam Uxori Adulteræ remiserit Maritus, siue tacita etiam ipso facto, si videlicet post Delictum admissum sciens cum ea concubuerit, cum ejusmodi copula sit actus amicitiae, quam dum exercet Conjux innocens, nocentem recipere in pristinam amicitiam videtur, per complexus istos conjugales pristina maritali Societate, Adulterio dissolu-

46 ta, redintegrata. Quamvis hoc casu, ut publico scandalo pariter satisfiat, relegetur pars nocens, & pars innocens sequi reneatur Conjugem adulterii reum abeuntem in exilium, nam remissio Mariti potest quidem civilem Actionem & civilem pœnam Adulterii tollere, non vero publicam vindictam.

47 XVII. Ne autem privilegium hoc Intercessionis Juri di-



vino quodammodo contrarium nimis extendatur, vis admit-  
tendum illud, quod Carpz. *Paax. Crim. Qu. 55 n. 122.* statuit, remis-  
sionem innocentis prodesse etiam alteri parti, seu socio vel so-  
ciae criminis. Communiter enim Conjuges, quando pro Con- 48  
juge decepta intercedunt, allegare solent, quod fuerit Mari-  
tus vel Uxor sua decepta & variis lenociniis illectæ: Hinc, si  
ob remissionem Uxoris factam etiam Corruptori parcendum,  
utique faciendum id esset propter varias artes & insidias alte-  
rius uxori factas, & sic malitia & dolus adulteri esset causa, cur  
uxori parcatur hætenus innocentis. Hæc gratia Uxori facta  
esset causa, cur etiam adultero parcatur: Causa enim causæ est  
etiam causa causati. Dn, Brun. *Process. Inquis. C. 3. n. 36.*

XVIII. Quamvis etiam inter Sponsum & Sponsam verum 49  
consistat matrimonium, ut supra demonstratum, adeoque &  
Adulterium pariter a Sponso & in Sponsam committi queat,  
probante Ulp. *in l. 13. §. 3. ff. ad L. Jul. de Adult.* & Alexandro *l. 7. C.*  
*eod.* suffragante Autoritate Juris Divini, quo Sponsa aliena al-  
teri copiam sui faciens dicitur adultera, *Os. C. 4. vers. 13.* Juri Di- 50  
vino quoque convenire videatur, ut stuprator Sponsæ alienæ  
perinde ut Adulter morte puniatur, *Deut. 27. vers. 23. & seqq.* Jure 51  
tamen Saxonico Sponso vel Juvene soluto, cum alterius Spon-  
sa carnaliter se immiscente, pœna ordinaria Adulterii solet 52  
mitigari, & mitior quædam sc. fustigationis ac perpetuæ rele-  
gationis dictari, per *Const. Elect. Eccl. Tit. von der Strafe der Un- 53*  
*zucht und des Ehebruchs* s. würde aber auch jemand eines  
andern Braut, ehe der Bräutigam beygelegen, wissentlich  
beschaffen, so sollen beyde Personen zu Straupen geschla-  
gen und des Landes ewig verwiesen werden. Quæ sanctio  
verbotenæ repetita & confirmata in *Ord. Matrim. Punct. 4. §.*  
*würde auch.* In Casu autem controverso, si Sponsus ad fœ-  
minam solutam accedat, cumq; ea rem habeat, adulter Spon- 54  
sus solummodo fustigatione, fœmina autem soluta temporali  
relegatione puniri debet, vid Carpz. *d. l. Qu. 56. n. 26. & seqq.*

XIX. An is, qui alterius uxorem meretricia more viven- 55  
tem cognoscit, pœna Adulterii ordinaria sit plectendus, an  
vero circa eandem dispensandum, dubitatur. Et quidem pœ-



nam ordinariam requiri per *l. 13. §. 2. ff. ad L. Jul. de Adult.* videtur, cui tamen contrariatur *l. 22. C. Eod.* Quos textus conciliare solent, ut quidem mulier ordinaria poena castigetur, & primus, qui eam corrumpit, sed cœteri poena extraordinaria, *Cz. d. l. 257.* dum Maritus connivens fere pro Lenone habend9, & Mulier, 56 quæ multis se prostituit, Adulterum pellexisse præsumitur. Non vero, quod vinculum matrimonii semel ruptum, cum ex hac ratione nec Adultera puniri posset, conf. Dn. Brun. *in Comment. ad d. l. 13.* Nec, si Uxor semel tantum se forte stuprari passa 57 a Juvene, postea a Marito alieno, Marito poena ordinaria remittenda, cum *d. l. 22. secundum Brunn. in Comment. ad Eand.* non intelligenda sit de ea, quæ semel atque iterum in corpus suum peccat, sed de ea, quæ semet a Marito separavit, vulgo se prostituit adeoque prostibulum factum. Cum quo etiam facit Ant. Matth. *de Crim. Tit. 3. C. 1. n. 16.*

58 XX. Præterea, si Vir, cujus Uxor malitiose discessit, ad aliam Fœminam fuerit prolapsus, aut Uxor a Marito suo deserta, alium admiserit, poena Adulterii mitigari solet, Carpzov. *Pr. Crim. Part. 2. Qu. 58.* respectu tamen habito, quis causam desertioni præbuerit, quamdiu abfuerit desertor, an pro mortuo vulgo habitus, cum posset aliquis desertioni causam præbere, ut licentius peccet, secundum Brunn. *Process. Inquis. C. 9. n. 39.* aut ab- 60 sentiam pro Cautela adhibere, quo dissolvatur Matrimonium, dum ex communi præsumptione intelligit difficulter conjugalis istius beneficii semel compotes factæ contra fervorem naturæ resistere posse, testante Imp. *in Nou. 2. C. 3. in hoc maxima Uxoribus constituta cupiditate l. 2. C. de Indict. Viduit. Toll. Nov. 39. C. 2. ut vinc vix fieri possit, quin pars deserta ope conjugali destituta, remedioq; unctionis & Jure suo interim privata, vitam ducat honestam, nec ad fornicationem vel adulterium se induci patiatur, Carpz. Jurispr. Consist. L. 2. D. 209. n. 1.*

61 XXI. Præter hos casus sunt adhuc modi, qui dispensationem poenæ Adulterii suadent, ut si quis innuptam existimaverit fœminam, quæ nupta erat, forte quod prostaret in lupanari, aut pro stola gestaret togam, excusandus est a poena capitis, quemadmodum ille excusatur, qui putabat mulierem a lege repu-



repudiatam esse, *l. pen. ff. d. t. si adulterare volens, præter spem* 62  
 stupraverit, aut revera ne quidem stuprum commiserit, cujus-  
 modi Exemplum refert D. Stryk. *de J. S. Diff. 10. C. 6. n. 52.* ex Hars- 63  
 dörffero de Molitore, qui cum foemina quapiam de Adulterio  
 incerto quodam loco consummando pactus, foemina vero u-  
 xori negotium exponente ipsa uxor mutatis vestibus ad de-  
 stinatum locum se contulit, ac Marito ignoranti semet suppo-  
 suit. Quamvis enim in foro interiori etiam sit Adulterium, si 64  
 Maritus cum soluta rem habeat, aliter tamen coelestis Judex,  
 aliter Judex hujus seculi crimina exigit, ille etiam eos adulte-  
 ros pronuntiat, qui aspiciunt mulierem animo libidinoso, lu- 65  
 dex autem hujus seculi cogitationis poenam nemini tribuit,  
*l. 18. ff. de Pæn.* Hinc etiam ejusmodi ignorantem ut adulterum  
 non esse puniendum censent, cum eventus non responderit  
 intentioni, & ipso facto Adulterium non sit commissum, licet 66  
 ob attentatum Adulterium extraordinaria aliqua poena sit af-  
 ficiendus, conf. D. Brunn. *in Comm. ad l. 8 ff. de his, qui not. inf. n. 3.*

XXII. Vice versa autem, si foemina, quæ maritum suum in 67  
 vivis esse ignorat, Juveni in pari opinione, ac si maritus mor-  
 tuus, constituto sub figura matrimonii semet supponat, quam-  
 vis revera bigamia committatur, cum maritus mortuus non  
 sit, quod sitamen probabilibus præsumtionibus, indiciiis aut  
 testibus suffulti & moti existiment, priorem conjugem satis 68  
 cessisse, aut poenæ extraordinariæ tantum, aut si plane nulla  
 culpa sit, absolutioni totali locus est, *l. 18. C. ad L. Jul. de Adult. l. 11.*  
*J. Mulier. cum l. pen. ff. Eod. cum bigamia dolo contracta requira-*  
*tur, ut poenæ capitali locus sit, Art. 121. ibi: betrüglicher weise*  
*mit wissen und willen.*

XXIII. Probe tamen hoc casu respiciendum, si intra spa- 69  
 tium alter Conjux non redeat, an ex ratione probabili diutius  
 absit, nec tamen animum deferendi Conjugem habeat, tunc  
 enim certa de obitu ejus requiritur scientia, ne citra culpam  
 Conjuge sua spoliatur. Qui vero malitiose Conjugem suam 70  
 deferit, non censetur fortunæ Injuria prohiberi, quo minus  
 redeat, sed si tribus vicibus publice in trium diversorum Do-  
 minorum territoriis citatus non compareat, præsumitur in-  
 per-



perpetuum Conjugem suam deseruisse, impieque matrimo-  
nii sacris renunciaſſe, adeoque mors ejus expectanda plane  
non eſt, Hahn. *Select. Diſſert.* 14. §. 85.

- 71 XXIV. Inter reliqua crimina venerea & delicta carnis ul-  
timum quidem eſt, ſed omnium graviffimum, ſcediſſimum &  
Jure Divino pariter atque humano deteſtabiliſſimum Sodo-  
mia, adeo, ſut Autor Naturæ DEUS Opt. Max. hujus pec-  
cati indignitatem & ſcœdam malignitatem in cœlum uſque  
clamare, & inde ſui vindictam expoſcere dicat, *Genef.* 19. *Exod.*  
72 22. *verſ.* 19. *Lev.* 20. *verſ.* 15. Atque hinc quoque delinquenti-  
bus remitti vel condonari nequit, ſtatuentibus Carpz. *Pr. Cr.*  
*Part. ult.* Q. 150. n. 29. Gebh. *de Jur. Princ. Concl.* 5. n. 6. Dan. l. 6. *Pol.*  
*Chriſt. Cap.* 3. *Tit. de Jud. Crim.* n. 11. Harprecht. §. 5. *Inſt. de Obl. qu.*  
*ex Del. naſc.* n. 50. Damh. *in Pr. Crim. Cap. de Remiſſ.* 147. n. 6. Beat.  
*in Sent. defin. P.* 5. *de Judicial.* n. 30. & Cluten. *in Syllog. Rer. Quotidia-*  
*nar.* §. 8. lit. G. Heig. *Part.* 2. Q. 24. n. 32. Cœterum nunc ex-  
clamo cum Propertio *Lib.* 3. *Eleg.* 23. *verſ.* 15. & 16. p. m. 276.

*Ecce coronata portum tetigere carina:*

*Trajectæ ſyrtes, anchora jacta mihi eſt.*

DEO, Studiorum Promotori Optimo Maximo ſit  
LAUS HONOR ET GLORIA.





















